

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. II. Imprimis diligens debet esse peccatorum omnium discussio. Ad hoc
multùm confert examen Conscientiae quotidianum. Exponitur ex Dauide
quomodo & quàm accuratè id faciendum, & qui fructus ex eo ...

urn:nbn:de:hbz:466:1-11367

§. II.

Imprimis diligens debet esse peccatorum omnium discussio. Ad hoc multum confert examen Conscientiae quotidianum.

Exponitur ex Davide quomodo & quam accuratè id faciendum, & qui fructus ex eo existant.

12.

Extra controversiam est, eum cui aut in Reipublicæ, aut in priuati hominis scelera inquirendi commissa est prouincia, minime officij sui partes explere, si summatim id agat, propteratò & quasi per unctorię. Non enim ea Principis mens est; & hoc non tam est scelera persequi, quām nolle scire: adhibendam esse diligentiam & quidem sedulam nemo diffitebitur. At quanta requiratur, non facile est definire. Moralem adhibendam esse dicunt omnes, id est eam quam pro caußæ grauitate, temporis locique opportunitate, & dilquientis viribus, quiuis vir prudens judicio sano statuet adhiberi debuisse, atque adhibitam suffecisse. Sic si graue homicidium in vrbe commisum sit, diligentem criminis disquisitionem non dicetur fecisse actor cui à Replublicā commissum id munus, si obuium quemque qui rumore rem perceperit, in plateâ interroget: partes tamen expulerit, si quos oculatos testes sciuerit, de crimine legitimè sciscitur. Neque rursus muneri satisfecerit, si vt homicidam inuestiget, domum eius adeat, & per patentia cubicula oculum circumferat: satisfecerit vero, si ædium omnes angulos excusserit, si portas vrbis occluserit ne reus mature se subducat, si domos suspectas latebrarum adierit, eaque egerit quæ maturo iudicio facienda esse prudens usus induxit, & Reipublicæ consuetudo confirmauit. His autem absolutis, etiamsi reus lateat, tamen diligens censembitur adhibita esse inquisitio: nam etiamsi reuerâ maior physice adhiberi possit, non potest tamen maior moraliter, id est prudenter. Non enim vnius ob crimen, longo tempore, cum summo Reipublicæ incommodo, occludenda sunt Urbis portæ; neque per vicinos pagos aut oppida circumducendi sunt satellites qui nocentem indagent, sumptibus im-

Ss 3 mensis,

mensis, labore improbo, spe exigua, neque quæ inquirentium impensis exæquetur.

Talis à Conscientia in peccatis inquirendis adhibenda. Idem planè de nostro dicendum est examine. Diligentem omnino debere esse præteritæ vitæ disquisitionem, quæ Confessioni Sacramentali præmittitur, omnes dicunt, nemo diffitetur, & verò ratio quam attulimus id euincit. Sed quanta sit ea quæ requiritur inquirendi diligentia, non ita pronum est dispungere. Moralem sufficere ut credant omnes, tamen hoc etiam multos angit, quod non satis commodè dicant se posse statuere, ecquando moralis illa, seu quæ à prudente viro dicenda sit sufficere, diligentia examini impensa esse censeatur.

Vt de hac diligentia securi sint, quotidianum examen facient viri probi. Huic incommodo obuiam vt irent viri sanctissimi, angoribus que vt se expedirent, non duxere expectandum donec ad Dei tribunal peccata confessuri, gratiamque Sacerdotis absolutione accepturi accederent. Sed vt de diligentia indagandis peccatis adhibitæ, quæ quidem Conscientiæ partes sunt, ipsis constaret; quotidianum actionum diurnarum examen Conscientiæ commissere: satis magnum in inquirendo studium se posuisse judicantes, si quotidie in perpetuam facta inquirerent. Quod antequam exponamus, operæ pretium erit examinis hujus & consuetudinem, & praxim, eiusque circumstantias ex optimo Dauide, & aliquando peccatore pessimò, intelligere.

Exemplo Davidis. Enimuerò criminum sibi conscientius, *Laborabat in gemitu suo,* 15. *languabat per singulas noctes lectum suum, lachrymis stratum suum* Psal. 6. *rigabat,* donec placato tandem tam seriâ pœnitentiâ Numine, v. 7. *gratiæ sibi scelerum factæ,* per Nathanum Prophetam legitimè intimatam sententiam acciperet, audiretque optatissima illa verba *Dominus quoque transtulit peccatum tuum.* Verùm ne quæ fortassis, alia ab adulterio homicidioque crimina indulgendarum veniam interturbarent, summâ ipse accurratione in omnem anteactæ vitæ, quin & elapsi diei actiones inquirebat, singulasque ad examen reuocabat studio pernigili, sensu animi, vt ipsem factetur, sane acerbo. Jauerit judicii hujus à Dauide instituti formam exponere.

Examini nocturnum tempus accommodatum. Et quidem si tempus spectes, *Anticipauerunt, inquit, vigilias* 16. *oculi mei:* id est, exactâ jam die dum nox incumbit, castrisque tuendis ex more militari vigiliæ solent disponi & circumduci; non sum passus ego majorem arcu meæ aut castris obseruandis curam

curam impendi, quām Animæ. Itaque vigiles diligentia p̄xuerti; & quando illi jam serā nocte stationes vigiliis aptas incipiunt occupare, jam tum oculi mei in statione stabant, obseruaturi porrò non quid in palatio, sed quid in interiore mentis aulâ rerum ageretur, intenti in omnem partem velut in ordine dispositi satellites, ne quid hostile per diem irrepserit, & si irrepsit, ne per incuriam elabatur. Atque his ira rectè dispositis, tum vero inquit remotis arbitris, cessante negotiorum strepitu, tribunal domesticum ingredior, acturus deinceps causam meam, qui toto die egerim alienas. Atque eccum tempus examini instituendo accommodatissimum. Sera nox inquam, dum silent omnia. Numquam enim, quām in silentio, loquitur Conscientia clariū, aut sincerius exauditur. Non est igitur quod tempus examini præstitutum à Senecâ addiscamus, quod ex Davide hauſimus. Si quid tamen auctoritas Philosophi adiicere possit ponderis, non grauabor adferre id quod de se testatur. Vt inquit hāc potestate, dicit quotidiē apud me causam dico. Cum sublatum ē conspecciu lumen est, dicit conticuit uxor moris jam mei conscientia, totum diem mecum scrutor, facta ac dicta mea remetior. Nihil mihi ipsi abscondo, nihil transeo. Quare enim quidquam ex erroribus meis timeam, cùm possim dicere: Vide ne istud amplius facias, nunc tibi ignoso? ita ille.

Neque verò dissimulandus est Lipsij commentarius. Sine admiratione inquit hoc numquam legi, homini tot negotiis, tot studiis, dicit uxore etiam disticto, hanc tam arēlam dicit quotidianam inquisitionem fuisse. Ego autem vicissim miror, homines passim sapientes, ita se negotiis etiam alienis totos tradere, vt ne bona diei particulam quidem, eamque exiguum, summo, sibique proprio negotio possint seponere. Frustraneum est autem omnia agere, p̄pterquam sua; nec satis sanum est omnium meminisse, obliuisci verò sui. Hoc autem non est negotiis fese concedere, sed prorsus dare, imo & vendere.

Verū quamquam in excutiendo animo admiranda prorsus sit Senecæ diligentia & constantia; tamen non eum illi examini quod explicare proposuimus, intentum fuisse comporio. E- Aliud Senecæ examen, aliud nostrum.
mendandis ille vitiis animi, erroribusque per diem commissis imposterum corrigendis incumbebat, non verò eluendis animæ maculis per peccata contractis. Hoc est quod molliori se trāstat

Sen 1. 3.
de rā.
c. 26.

Etat manu, dixisse contentus, *Vide ne istud amplius facias.* Et quamvis fractus hic sit examinis, vt mox dicam, non penitendus; tamen cum ad reconciliationem cum Deo faciendam maxime spectet, haec quam tractamus Conscientiae inquisitio, altius aslurgendum est, & ad Dauidem reducenda est oratio, vt pœnitentis hominis, ad tribunal Conscientiae stantis specimen quod imitemur habeamus.

Humilis fit corporis, & animi examinans se compositione. Cum itaq: tempus examini deputatum aduenisset, *Prohibebam* 19. inquit *aspectum oculorum meorum.* Ita legit Hieronymus, vbi vulgata habet *Anticipauerunt viligias oculi mei.* Compositionem *animi & corporis* describit Daud. Non enim quasi si Regem fese meminisset, alto incedit supercilio; sed rei adinstar, cui apud Iudicem dies dictus est, *prohibebat aspectum oculorum.* Oculos nimirum claudit, vt ne animus euagetur, seduloque attendat actori quid respondeat. Rursus quia de rationibus dandis conueniri se percipit, *aspectum oculorum prohibet,* dejicit nimirum oculos suspecta sibi scelerum mens, fastum contrahit, ceruicem dimittit, veroque pœnitentis habitu misericordiam inueniendis criminibus deprecatur. Et haec quidem corporis constitutio. Interim si animi compositionem inquiris, *Turbatus sum* inquit *& non sum locutus.* Perculsa nimirum judicij expectatione hærebat mens; neque quidquam pro se locuta, totam actionem, defensionisque & accusationis rationem, non insanis animi perturbati affectionibus, sed soli Conscientiae suæ committebat. Interim turbatus, id est, anxius rei totius exitum expectabat. En veram, id est humilem submissamque serio & sincere examinandæ mentis speciem. Ita prorsus examini sistendus est animus; humili omniho & suspectus sibi.

Colligenda mens est per series aeternas, que rationes. Stante sic pro Conscientiae subselliis animo, oculis fastuque penitus dejecto, ad instar rei, crimen ipso habitu propè consitentis: tum verò incipit actio. Conuocantur vndique tacitorum testes, & in judicium producuntur, reo opponendi. Qui testes inquies? nulli admodum, nisi cogitationes tuæ, ex memorie ædibus excitæ. En accusationis formam. Cum sic, *turbatus starem,* inquit Daud, nec quidquam pro me loquerer, *Cogitavi dies antiquos, & annos aeternos in mente habui.* Ne quæ fortè præteritæ diei transactorumque negotiorum, aut voluptatum perceptarum phantasmatæ mentem interturbarent, seriamque rerum mearum disquisitio-

nem

nem ad se traherent, & sententiæ ferendæ seueritatem interuerterent: ad fugandum, inquam, insana hæc phantasmatæ, mentisque atrium perpurgandum, annos eternos in mente habui; iisque præteritos vitæ dies componens, æternos scilicet & numquam transituros annos cum diebus antiquis & vetustate suâ jam collapsis comparans; tum demum, antiquos dies, id est, præteritas delicias cœpi detestari, cum earum vanitatem æternis deliciis compositam cœpi agnoscere. Rufus, cogitauit dies antiquos, quos perdidisti; imò per quos me perdidisti: *¶ annos eternos*, quos per antiquos dies, & nouâ scelerâ amisisti, malo meo edoctus in mente habui. Hæ aut similes sunt cogitationes seriæ, quibus per diem collectâ negotiorum phantasmatæ sunt fuganda, ne examinanti se obstrepant. Beneficiorum interim Diuinorum memoriâ colligendus est animus, vt fese ad errores in eius obsequio commissos inquirendos, detestandos, & emendandos, promptius liberaliusque extendat.

Tum demum omnibus sic ritè dispositis, instituenda est actio. 21.

Non enim sufficit antiquos dies, imò nec recenter præteritum, generatim tantum & superficietenus percurrere; immorandum est rebus singulis. Itaque, inquit Daud, *Meditatus sum nocte cum corde* Ibid. v.7. *meo, ¶ exercitabar, ¶ scopebam spiritum meum.* Exercebat enim uero se accuratus sui censor, quasi qui reum interrogationibus variè versat, vt facti veritatem eliciat; & idcirco *scopebam*, inquit, *spiritum meum.* Atque hoc primum in examine instituto obseruandum est, vt sit imprimis veritatis curiosum, & accuratum. Non enim, ubi penitus mundandæ sunt ædes, sufficit fordes quæ paumento insident omnium oculis conspicuæ, leui manu euerrere: perscrutandi sunt anguli; sedilibus etiam seriniisque; imò & lectis subjectæ educendæ sunt scopis fordes; isthic enim agglomerantur sœpius, quam in patente cubiculi area. Non est quod me clarius explicem. Occulta sunt lectorum, scriniorumque fuligines; in occulto sunt quæ isthic perpetrantur scelerum machinationes, & tamen notæ nimium quam ut eas hic exponere necesse sit. Educenda sunt tamen omnia; suisq; è latebris extracta, sistenda sunt Iudici, ut omnium accuratissima ratio habeatur. *Hoc est quod, exercitabatur* Daud, dum durus exactor incumbit operi; & non demulcebat blanditiis, sed *scopebat spiritum suum.*

Proponendum est itaque sibimet ipsis animus, totaque præteriti 22.
T t diei

*Nore diligen-
tis quā
iuerit. &
quomodo in
errores e-
missos inci-
derit.*

diei aut temporis ratio oculis opponenda : agendumque id quod de mysticis animalibus testatur Propheta Ezechiel, *Vnumquodque coram facie sua ambulabat*. Quod teste D. Gregorio non tantum significat, ambulasse non cœco modo, seu quā ducebant oculi ; quasi si duces oculos tantummodo sequerentur ; sed & *coram facie sua ambulabant*, quasi suismet oculis objecti & oppositi ; sic ut nusquam mouerent pedem, quin eos ambulantes, sequerentur censores oculi, qui duces ante in agendo fuerant. Egregium enim uero Conscientiae prototypon. Dicit animam Conscientiam, & tamen quam dicit, quasi si sequeretur, obseruat. Dux itaque est actionum omnium, & tamen censor. Non ergo eundum est tantummodo quā dicit viā, & quā videt Conscientia esse eundum ; sed & videndum est sedulō, quā eatur. Audi Gregorium. *Omnis justus qui vitam suam sollicitus aspicit, & considerat quantum in bonis quotidie excrescat, aut fortasse quantum à bonis decrescat ; iste quia se ante se ponit, coram se ambulat : quippe qui vigilanter videt utrum surgat & defluat. Quisquis vero vite sue custodiam neglit, discutere que agit, que loquitur, que cogitat aut despicit aut nescit ; coram se iste non ambulat ; quia qualis sit in suis actibus aut moribus, ignorat.* Ita Gregorius.

D.Greg.
hom.4.in
Ezech.

*Primus
fructus hu-
ius examini
nis est pru-
dens futuri
cautio.*

*Prudentia
estmē ad-
discitur ex
seipso.*

Ex quibus liquet, illud te imprimis ex quotidiano hoc examine relaturum commodi, ut naturali Prudentiæ magnum exercitatione hâc adjecturus sis quotidiè incrementum ; majoremque deinceps circumspectionem actionibus tuis, imò & vestigiis sis allaturus, vbi te videris pedem fefeller, & discriminis oppidò incuriosum, temerè imò & miserè fuisse prolapsum. Fructum hunc primum examinis egregiè exaggerat D. Augustinus. *Siquidem, inquit, necessaria nobis est circumspetio Examinis ; quatenus per experientiam eorum que fecimus, ad ea que agenda sunt, cautores reddamur.* Certe si quid de me addere liceat, experientiâ mihi compertissimum est, ex nullis librorum aut sapientissimorum virorum effatis scriptisque sententijs, te quæ ad Prudentiæ virtutem in te augendam pertinent, facilius luculentiusque petiturum, quam ex te : si nempè cogitationes tuas sedulō attendis ; si quæ subito inuadant animum, quæ verò morâ temporis & paulatim obrepant, consideras : rursus si quomodo incipient, quomodo immorentur aut menti aut phantasiaz ; denique si quomodo tandem

D.Aug.
de Spir. &
ani.10.3.

tandem desinat aut evanescant, non incuriosè circumspicis. Hunc itaque librum, te inquam, inspicere, huic inquimbe, & tandem sapies. Sed ea est nostra infelicitas, quod velimus sapere, non ex nostro, sed ex alieno. Hinc euagamur per omnia, labore immenso, fructu exiguo: & cum omnibus loquimur libenter, quam nobiscum. Atque idem in plurimis scientiis video contingere, alienis ingenii immixtis, iis inhaeremus, eorumque inuentis delectamur; nostram interim mentem contrahimus, nec in cogitationes proprias explicamus. Verum hoc hunc non ago, contentus indicasse quæ via ad Prudentiam consequendam sit expeditissima, & ad mores distortos imposterum corrigendos facillima; accurata nimur actionum suarum discussio.

^{24.} Rationem mihi dat Seneca, sanè luculentam. Faciebat hoc Sex-tius, inquit, ut consummato die, cum se ad nocturnam quietem rece-pisset, interrogaret animum suum: Quod hodie malum tuum sanasti? Circumspet-
te fit, cum
breui dan-
da est ratio.
^{Sen. 1.3. de pisset, ita c. 36.} cui vitio obstitisti, quā parte melior es? Tum vero ad rem meam subjicit; Desinet ira, & erit moderatior (idemque de alijs animi vitiosis affectionibus intellige) que sciet sibi quotidie ad judicem esse veniendum. Optimè protectò; nihil enim agitur circumspet-
tius, quam cuius breui strictissima danda est ratio. Hic fructus primus examinis quotidiani. Quem quia Seneca percepit & degustauit, exclamat præ gaudio, & non abs re: Quid ergo pulchrius hanc consuetudine exutiendi totum diem? Qualis ille somnus post recognitionem sui sequitur? quam tranquillus, altus ac liber; cum aut laudatus est animus, aut admonitus; & speculator sui censorque secretus cognoscit de moribus suis? Ita exclamat fructum expetitus, qui tamen nihil habet naturâ maius. Quid ergo dicturum putatis, si altiore illum percepisset, ad quem Christiani conhiciuntur, reconciliationem, inquam, offensi Numinis, cuius hoc examen fundamentum esse ostendimus? Hoc igitur breuiter persequamur.

^{25.} Atque adeò dico, examinis nostri, non tam Philosophici quam Christiani fructum secundum esse, quemque summoperè estimandum judico, pacis & gratiæ à Deo sceleribus consequendæ non tantum initium exinde oriri, sed & authenticam assertionem, (prout ante tetigi) quā quis securus esse possit, dum pro Confessionis tribunal ad pedes Sacerdotis futurus est supplex, munere suo in examinandis sceleribus ritè legitimeque defunctum se;

T t 2 quando-

Secundus
fructus ex-
aminis quo-
tidiani est
securitas de
diligentia
criminibus
inquirendu
legitimè ad-
hibita.

quandoquidem singulorum dierum acta, quotidiè ad Conscientię examen nocte ingruente reuocari. Ecquæ enim major diligentia adhiberi potest à mercatore rerum suarum fatagente, quā si accepti expensique rationes singulas quotidiè referat in commentarios? Nulla sanè major ab hominum vlo prudenter exigitur. Quid si ergo quis quotidianā curā, peccata singula quæ vesperti occurrit, scripto mandarit; an non etiam ille de diligentia examinandis sceleribus allatā, tutus omnino esse poterit, sibi que omnimodis persuadere, ita se perfunctum examinatoris munere, vt à Deo nihil præterea possit exigi? Ita videtur inquis. Atqui, vti Theologorum nemo negarit, omnesque affuerant, Deus nullā vñquam ratione exigit, vt quis quotidiè peccata sua scripto committat, eorum vt reminiscatur fidelius, tum cùm Confessioni Sacramentali subjicienda fuerint. Nusquam, inquam, tanta accuratio præscribitur, imperatur, imò ne suadetur quidem, ob varia quæ exinde obuentura sint incommoda. Itaque cùm examini quotidianō sola desit peccatorum exscriptio, quæ huic judicio adhibenda non est; restat vt muneri boni accuratique Censoris satisfecisse dicatur, si quæ quotidiè commisit scelera, quotidiè ad examen reuocet, eaque suo tempore apud Sacerdotem proferenda, memorie bonā fide concrediderit. Quod si autem, vti fit sæpiissimè, tractu temporis aliqua è memoria effugerint; illud tamen habebit solatii, securum esse posse se, bonā à se actum fide, moralēque, id est, quæ prudenter exigi poterat, conquitendis peccatis diligentiam fuisse admotam; neque à Deo quidquam præterea requirendum: quod certè maximum est Exomologesis facienda leuamentum.

Istud itaque Conscientię, quotiescumque examini sese applicat, primo loco obseruandum est sedulò, vt sibi minimè parcat, neque quidquam dissimulet: sed ex aduerso, summè inuigile latebris, sinusque animi omnes excutiat, scrutetur & peruestigetur, vt cum Dávide dicere possit *scopebam spiritum meum*. Et vt id non perfuntoriè consequatur, mysticas Ezechieli rotas imitetur, quarum erat *totum corpus oculis plenum in circuitu*; vt ea nimis quæ oculis passim non patent, oculos tamen non effugiant. Nam vt diserte D. Gregorius dum hunc locum commentatur, *ea que sunt in facie, sep̄ etiam peccatores custodire solent*. Manifesta nimis scandala, & publica scelera, etiam nefarij quandoque euientant

26.

Ezech. v.18.
D. Greg.
hom.7. in
Ezech.

tant timore infamiae perterriti ; at vero addit Gregorius : *Justi viri quia se dicit in eis custodiunt que in promptu dicitur in facie non vindicantur, in dorsis oculos habere referuntur.* Qui ergo dicit ea que in oculis sunt discutiunt, atque ab iis se custodiunt que latent, profecto oculis in dorsis habent. Oculos itaque & in pedibus, & in manibus, & in oculis ipsis habeat animae suae studiosus obseruator, ut nihil prorsus, ne oculorum quidem conjectus nefarius sit ; qui Conscientiae oculos censuramque euadat. Oculos sanè qui perscrutentur omnia, ubique disponet is, cui salus animae est in oculis.

§. III.

*Secunda conditio Examinis est, ut inquisitio sit sincera,
neque minuat peccatorum malitiam, ea per-
peram excusando.*

27. Cumpertis jam diligentis inquisitione animi vitijs aut morbis, *Examen sit
sincerum* præsertim vero ijs quæ non sine lethali noxæ sunt sceleribus ; istud vnicè obseruandum est deinde, ne grauitatem commissi criminis penes se diminuat, neve sibi abblandiatur, aut nescio quos dissimulando sceleri querat prætextus. Caussidici hæ sunt partes reo patrocinium querere, idque aut negando factum donec probetur legitimè ; aut si tenetur, enormitatem sceleris minuendo. Patronum vero agere Conscientiae non est, cui judicis commissum est munus. Itaque prout est, ita exhibenda est res. Ita autem est, prout reipsa Conscientia proponitur. Nihil igitur quidquam mutet, nihil alteret, si officio ex fide, & ex bono suo vult defungi. Etenim nulla erit, nullius, inquam, valoris deinceps gratia, quæ sceleri ementito, fucis tecto & quasi calamistrato dabitur. Ut quid autem examen instituitur, cuius deinde nullus erit usus, & cui nulla à Deo legitimè præstanta est gratia ? Rem itaque si sapit, proponat prout est res, neque sceleri quidquam per adulacionem detrahatur.

28. Ita se examen instituere satetur David. Quod ut exponam, *Conscientia
sit ad instar
speculabam*, idem quod *speculabam*, *speculi re-*
Hebræis significare ; ideoque cum dicit, *scopebam spiritum meum, praesentan-*
etiam recte intelligi, ac si diceret, *speculabam spiritum meum, tu rem pre-*
ut est.

Tt 3

aptâ